



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
PRAVOBRANILAŠTVO

Bosna i Hercegovina - Federacija Bosne i Hercegovine
Kanton Sarajevo - Grad Sarajevo
GRADSKO

27 JAN 2025	
01-62-09-99/25	

PROGRAM RADA PRAVOBRANILAŠTVA GRADA SARAJEVO
ZA 2025. GODINU
(informativni materijal)

Predlagač: Pravobranilac Grada Sarajevo
Obrađivač: Pravobranilaštvo Grada Sarajevo

Sarajevo, januar 2025. godine

Adresa: Hamdije Kreševljakovića 3
71 000 Sarajevo
Tel.: +387 33 206 440
Fax: +387 33 206 440
Email: pravobranilastvo@sarajevo.ba
Web: www.sarajevo.ba



Na osnovu Programa rada Gradskog vijeća Grada Sarajevo za 2025. godinu, broj: 01-GV-02-1689/24 od 27.12.2024. godine, Pravobranilaštvo Grada Sarajevo, donosi slijedeći

PROGRAM RADA PRAVOBRANILAŠTVA GRADA SARAJEVO ZA 2025. GODINU

I UVOD

Program rada Pravobranilaštva Grada Sarajevo obuhvata poslove i zadatke koji predstavljaju osnovnu funkciju ovog posebnog organa, kao zakonskog zastupnika Grada, u zaštiti imovine i imovinskih interesa proisteklih iz njegove ustavne pozicije, zatim iz Zakona o pravobranilaštvu, Odluke o osnivanju Pravobranilaštva Grada Sarajevo, Statuta Grada Sarajevo i Programa rada Gradskog vijeća Grada Sarajevo.

II TEMATSKI DIO

1. Izvještaj o radu Pravobranilaštva Grada Sarajevo za 2024. godinu

PRAVNI OSNOV	Odredbe člana 37. i 44. Zakona o pravobranilaštvu („Sl. novine Kantona Sarajevo“, broj 33/08 – novi Prečišćeni tekst, 7/12 i 44/16); odredbe člana 29. stav 2. Odluke o osnivanju Pravobranilaštva Grada Sarajevo („Sl. novine Kantona Sarajevo“, br.: 20/10, 30/15, 12/17 i 41/21, 47/24);
NOSILAC POSLA	Pravobranilaštvo Grada Sarajevo
ROK	Mart
IZVJEŠTAJ RAZMATRA	Gradonačelnik i Gradsko vijeće

Kratak sadržaj materijala:

Svrha podnošenja Izvještaja je upoznavanje odgovornih struktura vlasti Grada Sarajevo o radu ovog državnog tijela, pojavama i problemima u primjeni pravnih propisa značajnih za ostvarivanje njegove funkcije.

2. Program rada Pravobranilaštva Grada Sarajeva za 2025. godinu

PRAVNI OSNOV	Program rada Gradskog vijeća Grada Sarajevo
NOSILAC POSLA	Pravobranilaštvo Grada Sarajevo
ROK	Januar
IZVJEŠTAJ RAZMATRA	Gradsko vijeće

III KONTINUIRANI POSLOVI

Imajući u vidu zakonske odrednice o položaju i djelokrugu rada Pravobranilaštva, kao posebnog, tj. „sui generis“, državnog organa, koji vrši poslove pravne zaštite imovine i imovinskih interesa Grada Sarajevo i njegovih organa i koje je ovlašteno za preduzimanje odgovarajućih pravih mjera i sredstava sa ciljem zaštite istih, njegov rad je u dobroj mjeri uslovljen i limitiran dinamikom rada drugih državnih organa pred kojima Pravobranilaštvo nastupa kao zakonski zastupnik (sudovi, organi uprave, zakonodavni organi i dr.).

Na tom planu Pravobranilaštvo aktivno nastupa u okviru sljedećih postupaka:

- zastupanje Grada Sarajevo pred sudovima i organima uprave, sačinjavanje i podnošenje tužbi čime se pokreću parnični postupci i dalje vođenje parničnih postupaka zastupanje na ročištima, ulaganje pravnih lijekova na presude i rješenja, davanje odgovora na tužbe i žalbe, pokretanje i vođenje izvršnih postupaka pred nadležnim sudovima, zastupanje Grada Sarajevo u upravnim sporovima što u osnovi predstavlja osnovnu i najvažniju funkcije radi kojih je i osnovan ovaj organ; uz napomenu da pri preduzimanju navedenih pravnih radnji, kao i u drugim slučajevima kada je na to ovlašteno zakonom, Pravobranilaštvo ima položaj i prava stranke u postupku, te je ovlašteno da preduzima sve radnje koje preduzima stranka u postupku.
- izuzetno, Pravobranilaštvo vrši poslove pravne zaštite imovine i imovinskih interesa javnih preduzeća, javnih ustanova i drugih pravnih osoba čiji je Grad osnivač, odnosno suosnivač.
- davanje mišljenja, sugestija i primjedbi prije zaključivanja ugovora imovinsko – pravne prirode kojima se pribavljaju stvari, raspolaže stvarima, materijalnim pravima, ili uređuju imovinsko-pravni odnosi, prava i obaveze prema stvarima u vlasništvu Grada;
- davanje mišljenja na zahtjev organa Grada o imovinsko-pravnim ugovorima koji se namjeravaju zaključiti sa stranim pravnim i fizičkim licima, kao i drugim imovinsko-pravnim odnosima s tim licima, davanje saglasnosti na zaključene ugovore i sporazume i davanje primjedbi, dopuna i sugestija u cilju poboljšanja njihovih kvaliteta;
- pravna pomoć u kreiranju odluka koje regulišu važna imovinsko-pravna pitanja iz nadležnosti Grada;
- neposredan angažman kod ostalih organa Grada Sarajevo na planu prikupljanja svih relevantnih podataka o imovini Grada Sarajevo radi njene zaštite, te prikupljanje valjanih činjenica i dokaza kojima Grad Sarajevo pred nadležnim sudovima vodi odgovarajuće postupke za povrat i zaštitu svoje imovine od drugih nivoa vlasti;
- podnošenje inicijativa Gradskom vijeću Grada Sarajevo za donošenje odgovarajućih pravnih akata i predlaganje donošenja odgovarajućih akata sa ciljem zaštite imovine i imovinskih interesa Grada Sarajevo;
- iniciranje izmjena ili dopuna odgovarajućih zakona kod nadležnih zakonodavnih tijela, kojima se vrši poboljšanje teksta tih zakona koji tretiraju pitanje imovine i imovinsko-pravnih odnosa, a za čiju izmjenu ili dopunu je direktno zainteresovan Grad Sarajevo.

IV STRUČNO OBRAZOVANJE I USAVRŠAVANJE UPOSLENIKA

U cilju realizacije predviđenih poslova i zadataka iz svoje nadležnosti Pravobranilaštvo planira stručno obrazovati i usavršiti svoje uposlenike kroz redovne edukacije putem prisustvovanja stručnim savjetovanjima, seminarima i okruglim stolovima iz oblasti uprave, propisa i pravosuđa.

V SARADNJA SA DRUGIM DRŽAVNIM ORGANIMA

Saradnja sa drugim državnim organima, a naročito pravobranilaštvima svih nivoa vlasti u Bosni i Hercegovini, te organima sudske vlasti koja je započeta u prethodnom periodu nastavit će se i u budućnosti s ciljem efikasnijeg prevazilaženja postojećih i novonastalih problema i razmjene iskustava.

Broj: 01-08-Gp-4/25
Sarajevo, 20.01.2025. godine



Admir Jusufbegović